



Ayera a habri su portanan den Vietnam "EL MERCADO" di Palais Hindu. Riba e foto aki por mira empleadonan y gerencia di Palais Hindu dilanti di establecimiento nobo, y abao por mira ex Botica Aruba cu algun aña pasa a cera su portanan, y cu a worde remodela y cu awe ta brinda aspecto moderno y masha bunita como "EL MERCADO"



APERTURA OFICIAL DI "EL MERCADO"



ORANJESTAD(AAN) -- Ayeramainta a tuma lugar e apertura oficial di El Mercado situa den Steenweg.

El Mercado ta forma parti di Palais Hindu y e fundador ta Dharamdas H. Daryanani, kende sesenticinco aña pasa na 1928 a habri su promer tienda na Antiyas Hulandes.

Awendia su yunan ta pone den practica su conocimiento nan den ramo di comercio de-taya, cu yudansa di sistemanan moderno di informacion, pa asina sirbi e necesidadnan di e comunidad den cual e tiendanan di Palais Hindu ta opera.

Segun e director, Satish Daryanani, e filosofia di Palais Hindu ta pa baha e gastonan di operacion y pa laga e clientenan probecha di esey.

Palais Hindu su meta ta pa satisfice e necesidadnan di e clientenan door di ofrece nan e oportunidad pa haci compras na nan gusto y scohe for di un surtido amplio di mercancia na prijsnan mas abao posible.

Na 1973 Harish Daryanani a habri e promer tienda "Photokina" na Aruba cu un surtido amplio di camara, electronica y aparatonan Hi-Fi, sigui den añanan despues cu expansionnan manera One Hour Photo Service, Photokina Express y Heartbeat.

Cu yegada di turistanan Venezolano na 1979 e familia Daryanani a habri su tienda di

moda den caya principal na Playa ofreciendo nan clientenan e oportunidad pa compra pañanan elegante na Aruba.

Segun Daryanani na 1989 e clientenan a pidi pa suministra nan cu un gran variedad di mercancia pa nan por usa nan talentonan creativo den negoshinan chikito.

Palais Hindu a priminti prijsnan di wholesale pa clientenan regular for di un deposito grandi na Engelandstraat 38. Cu crecemento di turismo na Aruba, Palais Hindu a cuminsa na 1989 cu screen printing pa asina ofrece nos clientenan e oportunidad pa hiba nan propio negoshi di T-shirt, cumprando na e fabrica di screen printing, "Precision Printing" aki na Aruba.

Na 1990 Palais Hindu a habri "Tourist Paradise", e promer tienda unda por compra T-shirt geprint directamente for di fabrica, na cantidadnan detaya.

Daryanani a indica cu awendia nan tin un surtido grandi di diseñonan registra, hunto cu diseñonan local, crea door di artistanan Arubiano.

Palais Hindu ta gradici su crecemento na su personal hopi dedica, manera Ana Marie Kelly, Viveca Ras, Alida Jansen, Christina Gomez, Iris Gietel, Magaly Marval, Aquiles Kelly, ken-



denan ta traha hopi cera cu nan coleganan pa satisfice e clientenan.

Segun Daryanani, na 1992 clientenan tabata expresa un necesidad pa un surtido mas grandi di articulonan di tur dia. Pa satisfice e necesidad ey a habri "El Mercado" na Steenweg 17.

E tienda aki cu prijsnan hopi abao, lo brinda su clientenan

e oportunidad ey.

Palais Hindu ta garantiza su clientenan calidad na prijsnan hopi rasonable.

Ta asina cu e edificio na Steenweg 17 a worde restaura cu hopi cuidao pa conserva su identidad. Den e edificio aki tambe ta situa e oficina principal di Palais Hindu.

Palais Hindu generosamente ta duna algo bek

na e comunidad caminda e ta despliega su actividadnan comercial y ta stimula su empleadonan pa participa den esfuerzonan pa brinda servicio na comunidad.

Palais Hindu ta agradicido na su clientenan, empleadonan, abastecedorman, banconan y otro partneman cu a contribui na nan crecemento.

Your Family Fashion Store

A jega ! Bistir y Conjuntos na prijsnan Especial.

AFL. 88,50

Bo pacus di Moda!

BIN WAK PA BO KERE



Palais Hindu

Caya G.F.Croes #74 Tel.: 24609 Fax: 24356